



Алаш айнасы

Республикалық қоғамдық-саяси ақпараттық газет



ДАТ!

Тұрсын ЖҰРТБАЙ:

Абайтану туралы пікір
айтатын жаңа ұрпақ өткен
мен бүгінді байланыстыра
алмай жүр

6-бетте



Хакім Абайдың
туған күні

«Болыс болдым,
мінеки» немесе
Абайдың билікке
көзқарасы



2-бет

Абай нәр алған
асыл арналар



5-бет

Абай – жеті
қазына иесі



7-бет



www.alashainasy.kz
e-mail: info@alashainasy.kz

ЭКОНОМИКА АЙНАСЫ

Table with exchange rates for USD, EUR, RUB, CNY, DJIA, RTSI, KASE, BRENT (ICE), GOLD (NYMEX)

Абайдың айналасы – ақындық мектеп қана емес,
қайраткерліктің, ұлтшылдықтың ұлы өнегесі



Сұлтанмахмұт Торайғыровтың қазақтың басынан кешкен тарихының
кейбір кезеңдерін жырлайтын бір өлеңінде «Бұқар тұсы», «Абай тұсы»,
«Маса тұсы» деп қазақ басынан өткен кезеңдерді нақты тұлғалармен,
олардың ұлт алдындағы ерен еңбегімен екішеп, айрықша бөліп алып
суреттейтіні бар. Расында, мұндағы «Абай тұсының» ел тарихындағы
орны маңызды еді. Патшалық Ресей қазақты отарлау саясатын
барынша игеріп тұрған уақытта өмір сүрген Абай өз заманында
айналасындағылардың, соңынан ерген шәкірттерінің білімнен
сусындауды, мәдениет пен саясат жолындағы рухани ұстазына
айналып, кейіннен олардың ұлт ісінде айрықша серпіліне үлкен себеп
болды. Абай өзінен кейінгілерге ісімен ғана емес, дана ойшылдығымен,
елшілдік ұранымен де үлгі-өнеге бола білді. Өзінен дәріс алғандарды
«жылтыраған түйме», шен-шекпен үшін емес, халқы, ұлты үшін қызмет
етуге үндеді. «Орыс айтты өзіңе ерік берем деп, кімді сүйіп сайласаң,
бек көрем деп», – дей келе, патшалық әкімшілік тарапынан жүргізіліп
отырған саясатты сынап, сол жолда далбақтап жүргігендерді надандар
қатарына жатқызған болатын. «Өзің үшін еңбек қыласың, өзі үшін оттаған
хайуанның бірі боласың» деген өлмес өсиетті де Абай қалдырды.

Қанат ҚАЗЫ
Мінеки, осындай даналық-
тың үлкен мектебінен өткен
ақын шәкірттерің қай-қайсысы
болса да ел басына күн туған
шақта өз басының амандығын
күйттеп кетпей, қиын-қыстау
заманда жұртымен бірге болды.
Шама-шарқыша ұлттың ауырт-
палығын мойнымен көтере бө-
лісіп, сол жолда құрбандыққа
бастарын да тікті. Сондықтан да
«Абай тұсынан» кейінгі «Оян,
қазақ!» тұсында да «Маса тұсы»
мен «Алаш тұсында» өмір сүрген

қазақтың біртуар азаматтары,
ұлт қайраткерлерінің баршасы
дана Абайды рухани ұстаз ретін-
де санағандығы белгілі. «Қазақ-
тың бас ақыны – Абай. Одан
асқан бұрынғы-соңғы заманда
қазақ баласында біз білетін
ақын болған жоқ», – деп жазған
Алаштың ардақты қайраткері
Ахмет Байтұрсынұлы да мысал
өлеңдерін жазғанда Абай салған
соқпаққа сүйенеді. Осы бағытта
таза Абай үлгісімен отаршылдық
зардабының қазаққа батқан
жағдайын суреттеп, «Маса» ат-
ты әйгілі өлеңдер жинағын шы-
ғарады.
Жалғасы 3-бетте»

Кеңес неге Абайдан өлердей қорықты?

Хакім Абайдың имани
жырларындағы (шығыстық)
Ибраһим болмысын тану біздің
маңдайымызға жазылған бақ
секілді. Осы кезге дейін Абай
өлеңдерін таптық, одан қалды
ұлттық таныммен астастырып
танып келген болсақ, жаңа
үшінші мыңжылдық басталар
тұста данышпанның әр ілімінің
– исламиятты тану, мораль
философиясы, адамгершілікті
ұғыну секілді күрделі ғаламдық
деңгейдегі тұжырымдарының
есігі айқара ашылды. Ар ілімі – оның
Шығысы. Шығыстан алған тәлімі
мен тағылымы, болмысына сіңіріп,
рухани күнделілікке айналдырған
жауһары. Абайдың Ибраһим
болмысы деп отырғанымыз – осы.

Дархан БЕЙСЕНБЕКҰЛЫ
АБАЙ ШЫҒЫСЫНЫҢ ШАРАПАТЫ
Кежегесі кері тартқан кеңестің кезеңің аяр саясаты
болмағанда, Абай Шығысының шарапатын ерте көрер
ме едік? 1949 жылы Мәскеу арнайы қаулы шығарып,
Шығысқа да, Батысқа да бас игендерді жазалайтын-
дығын мәлімдеді. Батысқа қарап бой түзген еврейлер
жазаланды. Шығыстық тамырына тартқан, кітап жа-
зып, мақала шығарғандардың барлығы да атылды,
жазаға тартылды, қудаланды. Сондықтан да Абайдың
Шығысын зерттеуге құлып салынды. Биліктің меха-
низмді машинасы әуелі сол құлыпты ашып, құпиясын
анықтамақ болған профессор Әуелбек Қоңыратбаевты
екінші мәрте Абайдың Шығысы туралы мақала жазбақ
түгіп, ауызға алмайтындай етіп жазалап, Қызылордаға
жер аударды. Бар жазығы ұлы ақынның жаңа қырын
– Шығыс ақындарына тән пәлсапалық өлеңдерінің
табиғи қалпын түсінуге тырысып, мақала жазғандығы
болған профессор Қоңыратбаев Қызылордада жеті

жылдық мектепке есекке мініп барып сабақ берді.
Абай Шығысына толықтай тосқауыл қойылғанды-
ғын түсінген ғалымдар саясаттың салқынына қарсы
тұра алмады. Тек Мұхтар Омарханұлы кеңестік ұста-
нымға қиғаштау келіп, Абай Шығысын толық зертте-
месе де, тезіспен біраз дүниеге сілтеме жасауға үм-
ітталды. Және ол жұмысы жеміссіз қалған жоқ-тын.
Енді кемеліне келіп, ес жия бастаған Кеңес үкіметі
жоғарыда аталған қаулыны қандай қажеттіліктен қа-
былдады? Әрине, түптің-түбі қайтіп үлкені Батыстан
келетінін олар жақсы білді. Алайда дәстүріне берік
Шығыстан қауіптенуінің сыры неде? Батыстың мате-
риалдық құндылықты басты орынға қойып, сол жолда
жан аяспас әрекеттерге баратыны олардан аяқ тартуға
тура келгендігін ұқтырды. Дегенмен одан да қауіптісі
Шығыста еді. Өйткені Шығыс әрдайым өзінің дәстүр-
салтымен біте қайнасып, мың жылдық өмір сүру
ережесімен астасқан саналық Тәуелсіздігіне ұмтыл-
ған-тын. Алаш қайраткерлерінің тұсында дүр сілкінген
саналық Тәуелсіздік Кеңес үкіметі қанатының ас-
тындағы Шығыс жұртының жадында лап етіп жануға
дайын тұрған қызыл шоқтай маздап жатты.
Жалғасы 5-бетте»

Абайтану институтын аша алмай отырған қазақтан абайтанушы ірі ғалымдар шықпай қалу қаупі бар ма?



ИӘ
– Бүгін абайтану ғылымына адам
келмей жатыр. Таланты жастар аяқ
баспайды. Олай болатын себебі, білімді
жастарды келтіруге ынталандыратын
тетік жоқ, келісі келетін өрендердің
ғылыммен айналысып жүріп,
тұрмысымен «көгеретін» жері де
жоқ. Алатын ақшасы мәрдәмсіз,
кандидаттардың жалақысы – 50 мың
теңгенің айналасы. Сонда мұндай
үлкен ғылым жолына, жағдай жасалмаса,
кім келеді? Мәселен, біз дәл қазіргі күні
абайтану бағытындағы ғылымға адам
ізден таба алмай отырмыз. Бүгінгі таңда
Абайтану ғылымы зерттеу орталығы
бар. Биыл осы орталықты институтқа
айналдырмақ ниетімізді жүзеге асырмақшымыз. Бірақ жас ғылыми жоқ
болса, ондай институттың келешегі қалай
болмақ? Рас, ондай институтқа ақша ала-
тын адамдар келуі мүмкін, бірақ жұмыс
істейтін адамдар келмей жатыр. Сондықтан
да алдағы уақытта қамданбаққа бол-
майды.»

Абайды қазақ толық таныды ма? «Толық Абай» кім?
Ағартушы Абайды, ақын Абайды, ойшыл Абайды,
қайраткер Абайды ғалымдарымыз әлемге таныстырмасақ
бұрын, қазақ жұртшылығының өзіне қаншалықты етене
ете алды? Жә, Кеңестік кезеңде Абай данышпандығын,
оның даналығын толық тануға жүйе мұрсат бермеді. Ал
Тәуелсіздіктен бері қарайық кезеңдегі Абайдың
дәріптелуі, танылуы нешкі? Абайтану ғылымының бүге-
шігесін үңгіп жатқан кейінгі жастардан кім бар? Мінеки,
осындай сауалдар біздің көзі ашық, көкірегі ояу
оқырмандарымызда жиі мазалайтыны белгілі. Өйткені
қарапайым оқырман түгіл, бірқатар ғалымдардың өзі де
абайтану ісінің бүгінгі деңгейіне соншалықты көңілі тола
бермейді. Сөз жүзінде көп айтып, іске келгенде тым
селкостық танытып жатқандаймыз. Сондықтан да
абайтанудың ертеңіне алаңдаушылыққа қатысты ұлы
тұлғаның мұрасына қанық ғалымдардың пікірін ояу
жүргіріп, оқырманның алдына сынды мәселені сарапқа
тастағанды жөн санадық.
3-бетте



ЖОҚ
– Мәселенің екі қыры бар. Біріншіден,
Абай даналығы ислам құндылығымен тікелей
байланысты. Шын Абайды тану үшін
ислам тарихынан, ислам философиясынан
танымымыз барынша жетік болуы шарт.
Ендеше, абайтанудың ендігі келешегі мұ-
сылмандық тәрбие алған, исламнан хабары
бар әрі ақын философиясын меңгерген ға-
лымдармен тікелей байланысты. Мұндай
жеткішек ғалымдар жоқ емес, исламдық
құндылықтарды бойына терең жинаған,
асыл іліммен сусындаған талантты жастар
өсіп келе жатыр. Араб тілін, ислам құндыл-
ығын меңгерген жастар баршылық. Осы тұр-
ғыдан алғанда, болашақта абайтанушылар-
дың жаңа табыстарға кенелетініне сенім бар.
Ірі ғалымдар да неге шықпайсыз?! Керісінше,
ондай азаматтар біз білетін Абайды басқа,
жаңа қырынан танытып, оның жазып кеткен,
бізге жеткен мұраларын жарқыратып алып
шығады және оның халқымызға пайдасы да
жыл сайын арта түседі деп ойлаймын.»













